



KENYATAAN MEDIA

UniMAP Perkukuh Nama di Jepun

ARAU 25 November – Universiti Malaysia Perlis (UniMAP) melalui Pusat Pengajian Kejuruteraan (PPK) Bahan dan Pusat Kecemerlangan Geopolimer dan Teknologi Hijau (CEGeoGTech) memperluaskan hubungannya dengan sebuah institusi pendidikan di Jepun.

Naib Canselor UniMAP, Brig. Jen. Datuk Prof. Emeritus Dr.Kamarudin Hussin berkata, kerjasama antara UniMAP dan Joining and Welding Research Institute (JWRI) Universiti Osaka, Jepun melibatkan beberapa perkara melibatkan penyelidikan bersama.

“Kerjasama ini lebih menumpukan kepada kerjasama program penyelidikan kolaboratif, syarahan, simposium serta pertukaran pelajar dan staf antara kedua –dua universiti.

“Saya yakin, kerjasama ini akan meningkatkan lagi keupayaan kedua universiti dalam menghasilkan penyelidikan yang berimpak tinggi, “katanya ketika ditemui selepas Majlis menandatangani Memorandum persefahaman (MOU) diadakan di Kampus UniMAP, Pauh Putra, di sini, baru-baru ini.

Pada majlis itu Datuk Kamarudin mewakili UniMAP manakala JWRI diwakili Professor Madya Dr. Hiroshi Nishikawame.

Turut hadir Dekan PPK Bahan, Dr. Khairul Rafezi Ahmad, Pengarah Pusat Hal Ehwal Antarabangsa UniMAP, Prof. Dr.Rosni Bakar dan Pengarah Pusat Kerjasama Industri dan Agensi Kerajaan Dr.Mukhzeer Mohamad Shahimin.

Dikeluarkan Oleh :

Mohd Basri Basir
Penolong Pegawai Perhubungan Media UniMAP
Tel : 04-9798522 / 017-4567151